



**KENYATAAN MEDIA
DATO' MENTERI BESAR SELANGOR**

**SELANGOR PERKUKUH EKOSISTEM PEMBERDAYAAN WANITA MELALUI
PEMERKASAAN AKADEMI KEPIMPINAN WANITA DAN PENYAMPAIAN BIASISWA
WANITA BERDAYA SELANGOR**

1. Kerajaan Negeri Selangor melalui agensi Wanita Berdaya Selangor komited dalam agenda pemberdayaan wanita melalui pemerkasaan Akademi kepimpinan Wanita serta penyampaian Biasiswa Wanita Berdaya Selangor demi merealisasikan hasrat 30% perwakilan wanita dalam pembuatan keputusan di setiap peringkat.
2. Memorandum Persefahaman (MoU) antara Wanita Berdaya Selangor (WBS) dan Universiti Kebangsaan Malaysia (UKM) dimeterai sebagai komitmen untuk bekerjasama dalam pembangunan serta pelaksanaan Sijil Profesional Kepimpinan Wanita di bawah payung Akademi Kepimpinan Wanita (AKW) sekaligus meningkatkan prestij program ini sebagai sebuah program yang diiktiraf.
3. Logo Baharu Akademi Kepimpinan Wanita (AKW) Selangor turut dilancarkan berkonsepkan “Kepimpinan yang Anggun, Teguh dan Berwawasan”, sebagai simbol fasa baharu dalam memperkukuh identiti dan aspirasi kepimpinan wanita negeri. Lima (5) kumpulan terbaik kerja lapangan AKW, Kohort 4 yang telah melaksanakan kerja lapangan dengan penuh semangat dan mencapai objektif pembelajaran sepanjang program turut diraikan.
4. Penyampaian Biasiswa Wanita Berdaya Selangor Kohort 4 turut diadakan kepada enam (6) penerima baharu yang telah dikenal pasti untuk menerima tajaan penuh di bawah Biasiswa WBS, melibatkan tiga (3) pelajar peringkat Ijazah Sarjana (Master) dan tiga (3) pelajar peringkat Doktor Falsafah (PhD).
5. Biasiswa ini memberi tumpuan kepada bidang seperti pengajian gender, kepimpinan wanita, ekonomi penjagaan, sains politik/sains sosial dan pengajian pembangunan dan masyarakat, sejajar dengan usaha memperkukuh kepimpinan wanita Selangor secara menyeluruh. Sejak program ini diperkenalkan pada tahun 2021, seramai 34 wanita telah menerima biasiswa ini, dan seramai 13 pelajar daripadanya telah menamatkan pengajian mereka untuk kohort 1 hingga kohort 3.
6. Usaha-usaha ini sejajar dengan Dasar dan Pelan Tindakan Wanita Selangor 2024–2026 yang menekankan peningkatan status sosioekonomi serta penyertaan wanita dalam pembangunan negeri.

YAB DATO' SERI AMIRUDIN BIN SHARI

Dato' Menteri Besar Selangor

18 November 2025